



امور اداره و تحریریه و اعلانات و ساژره ایچون مدیر
مسئوله سراجمت ایدلیدر .

ایونه سی بر سنه لك اعتبارله ممالك عثمانیه ایچون
اون بش و ممالك اجنبیه ایچون ۲۰ غروشددر .

عمل اداره باب عالی جوارنده ابوالسعود جاده سنده
نجم استقبال مطبوعه سی

شمذیلک اون بش کونده بر نشر اولنور

عرفای امتک مقالات منصوفانه لرینه جریده
صوفیه تک صحیفه لری آچیدر .

تصوفی ، دینی ، اخلاقی ، سیاسی جریده اسلامیه در

فلسفه

وجود

۷

موجودات ، تقسیم عقلی ابله اوج مرتبه به انقسام ایشدر .
برنجیسی : بر موجوددرکه او موجودك وجودی ، ذاتك
مغایری اولوب غیردن مستفاددر . ممکنات موجوده کی .

ایکنجیسی : بر موجوددرکه او ، وجودك حقیقی ، وجودینك
مغایری اولمله حقیقتك مقتضایله خارجده انفکاک وجود قابل
اوله ماز . هر نه قدر میان ذات وجودی تغایر اوزره تصور ممکن
ایسه ده . مذهب متکلمینه کوره واجب الوجودده اولدینی کی .

اوجنجیسی : بر موجوددرکه او موجودك وجودی ذاتك
عینیدر . مغایرت ذات متصور اوله ماز بلا تردد ، موجود واجب
اولور . زیرا نفسندن بر شیک انفکافی ممکن دکادر .

واجب تعالی و تقدس حضرت لرینه لفظ وجودی اطلاقده کی
حکمت نفسیله موجود اولان ذات سنیسی اولدیفیدر . کون
اوله ماقله ذاتك غیربسی موجوددر .

دین محمدینك اک باهر ، اک بلند سنجیسی توحید حقه
ویرمیش اولدینی اهمیت فوق العاده در .

حکما ذات ، واجب اولورسه احدیت مطلقده امور متکثره
کوریه میه جکی و واحد حقیقیدن انحق واحد صادر اوله یله جکی
طرزنده کی دعوی مصرانه لرینی (الواحد الحقیقی لایسدر عنه
الواحد) جمله یله ایلارویه سوربورلر .

حکما بوبابده من جهة حقی ، من جهة حقسزدر . وجوده
دائر یازه بیلدیکم اوفقی تفک یازیلر ، اطرافیه له تأمل ایدیه چک
اولور ایسه حق و حقیقت پک کوزل نظهر ایدر .

در مذهب اهل کشف و ارباب خرد

ساربت احد درهمه افراد عدد

زیرا که عدد کرچه روست زحد

هم صورت وهم ماده است هست احد

مدح اولنماز ، قاله کلز مدحت جانماز . موجودات اوج
قسمه انقسام ابتدیی کی اشیای نورانیده اوج مرتبه به آیرلشدر .
برنجیسی : غیر مستفاد ، بر نوردر . مقابله آفتاب جهانبانیده
جرم قر کی .

ایکنجیسی : بر نوردرکه اونور مقتضای ذاتیدر . آفتاب کی .
اوجنجیسی : ذاندن طولانی ظاهر اوله میان بر نور ذاتیدر
نور حقیقی کی .

بو مقام مراتب نورانیتك مرتبه بالازینی و مقام نیسیتك
درجه بلند و اکیدر .

خورشید فلک بنورخویش منیر جرم قر ازپرتو او نور پذیر
روشن بخودست نورکز عقل خیر افزون ندش زمهرمه خورده میک
حقیقیله اتحاد وجود واجب تعالی ك اثباتی حقنده بر قاج سوز
سویلتش ایدک ا .

بو بابده مولانا شیخ نورالدین عبدالرحمن جامی قدس سره
السامی حضرت تارینك شو قطعه غراسی بو حقیقی پک رعنا بر
صورنده توضیح ایدر .

هر چیز جز وجود در چشم شهود

در هستی خویش هست محتاج وجود

محتاج چو واجب نبود وصف وجوب

باشد بوجود خاص وهو المقصود

بر وجودکه موجودیتده محتاج اولورسه او وجود ممکن وفی
نفس الامر آخره محتاج اولیان وجود ایسه وجود حقیقیدر .
واجب وجوددر . بر فاضل محترم چیهوبده کندی موجودینی

غيره محتاجدركه اوغير او وجودك موجوديدرد و جودی دكادر،
بويله اولان ممكنه نه درسكز، درسه ! ..

موجوديتده غير محتاج، وجودده استفاديني غيردن اخذ،
ايدن وجود، وجود ممكندر. ايستر ايسك اوغيره ممكن ياخود
موجد درسك !

هر نه زمان برشي برشي ديكرى كوستر مك ايجون ظاهر
اولورسه مظهرك غيرى اولمقله برابر ظاهر باشقه مظهر ايسه ينه
باشقه در .

مظهرينده شبح وصورت ذات اولديني كي حقيقتده دكادر .
وجود حق بوندن مستثنا در . هتني مطلق هر زوده ظاهر
اولورسه مظهرك عينيدر چونكه كافه مظاهر ذات سنيهيله ظاهر
اولمشر .

مثنويخوان

عليه

حقيقت عقليه منافي دكادر جمله سى يازيله حق ايكن هم و مرتب
اولورق حقيقت عقليه منافيدر يازلمقله تصحيح ايدياور .

مقامه صوفيه

وينا كنت اصبح مساجدها و امسى معابدها رأيت في زاوية
مخروبة آخر يوم عروبة جماعة من اهل الحال مزوية عن القيل
والقال مخلفين متوكئين في القعود سيامهم في وجوههم من ار
السجود مطرقاً كل رأسه متفكراً متصعداً بانفاسه فعرفت انهم
جماعة صوفيه لهم نسبة الى طريقة عليه فبركت ورائهم انتظر
ماورائهم فمئذ ختام الاوراد والاذكار قام رئيس هؤلاء الابرار
خطباً في الجماعة راقياً منبر الخطابة معلماً طريق السالك والهداية
قائلاً بسم الله الرحمن الرحيم

بن مملكتك مساجد و معابدي صباح آفتاب طولاشيركن
ناكاه بر جمه كوني اقشام اوزرى ايدىكه، خرابه بوز طومش
بر زاويه ده اهل حالدن بر جماعت كوردم قيل و قالى ترك
ايدرك كوشه وحدته چكلمشدر و بر حال وقورانهده اوطورارق
حلقه طومشدر ايدى . علامت فارقه لرى ده، بوزلرنده جناب
الله فارشى ايفلا ايتكده بولندقرى سجده لرك مشهود اولان
آثارندن عبارت ايدى . اولردن هر برى باشنى اوكنه اكش
وياكز اترجيات اولمق اوزره آراصر نفس آلوب چيقارارق
متفكرانه بر حالده بولنشدى . بو جهته مشارالهمك طرق
عليه دن بريسته منتسب جماعت صوفيه دن اولدينى بالتيقن حالات
معنويه مرشدانه لردن اخذ فيض ايتك اميديله پاك نهاد قدسيانك
صف نعلنده اوطوردم .

سوكره مداومى بواندقارى اوراد واذكار ختام پذير اولنجه
هان او برره كرامه رياست ايدن مرشد كامل، مجرد جماعت
حاضره به طريق سالوك و هدايتي بيلدبرمك اوزره منبر خطابه
چيقارق بسمله شريفيني تلاوتله خطبه آييني قرآننه باشلادى .

الحمد لله الذى عجز المعرف عن بيان حقيقته بلسان البشرية
المتصف بالاحدية المطلقة التى هى مبدأ كثرة الاسماء الصغانية فهو
واحد بالوحدة الحقيقية الذاتية ووجد فى علمه الازلى جميع الالوان
الثابتة بصورة العلمية فهو عليهم بعلمه لذاتى بجميع مافى العوالم
الملكية وبمقتضى حكمته رجع وجود الالوان على عدمها فهو مرشد
بالارادة الازليه واستوى علمه الازلى على جميع الماهيات فهو قدبر
بالقدرة القاهرة الازلية الابدية وشهد الالوان الممكنة فى علمه
الحضورى قبل وجودها بالوجود الخارجى فهو بصير بما فى العوالم
الكونية واطلع على ملتصقاتها فقبل ما شاء منها فهو سميع بجمع
مقابل سمع بشربه .

بتون حمد وستايش اول ذات اجل واعاليه انحصار ايتشدركه
كنه و حقيقتنى لسان بشرى ايله تعريف ايتك انستيندر ببتون
عاجز قالمشدر و كندولرى ده كثرت الاسماء والصفاتك مبدئى اولان
احديث مطلقه [۱] ايله اراك ابدأ انصاف بيورمشلردر .

بناء عليه اودات محترم صفات عليه لرندهده اصلا مشاركى بولنميرق
وحدت حقيقته ذاتيه ايله واحد [۲] در و جميع اعيان ثابتة [۳] بن
علم ازيلسنده صورت علميهيله بولارق عوالم ملكيه [۴] ده كي

[۱] بيلنميدر مرات مكرانده، مرات نزلانده نورينك نعيمانى،
ظهورينك توطانى اعتباريله مطلوب الادراك اولان « حقيقت الهيه »
اكر عدم اعتبارات شرطيله مأخوذ اولورسه صوفيه اصطلاحنده اوكا
جميع اسماء وصفات كنديسنده مشتهك اولان « مرتبه احديت » و « جمع
الجمع » و « حقيقه الحقائق » و « عماء ناملى و ريلبوركه بو، كثرت
نسبيه وجوديهك احديت ذاته انقطاع واستهلاكى مفامى در . اكر
ثبوت اعتبارات غير متناهيه شرطيله مأخوذ اولورسه اوده عندلرنده
« مرتبه واحديت » و « مقام الجمع » نامريله مشهور و متعارف اولان
« مرتبه الهيه در . واقفا بوضوئورندهده كثرت وجوديه منتقى ايسه ده
كثرت نسبيه متعقل التحقق در .

حاصلى . احديث كثرت نسبيه وجوديهك احديت ذاته بالكلية
مشتهك اولمى اوزره جميع انحاء تمددون - عددى و تركيبى و تحليلى
اولسون - خالى اولان بساطت صرفه دن عبارتدر . واحديث ايسه
تمددهديك انتفاضندن عبارتدركه بوضوئورندهده كثرت عييه منتقى اولدينى
حاله كثرت نسبيه تحقق - بيله متعقل اولماز دكادر . حقيقت الهيه
اكر لا بشرطى، لا بشرط لا بشرط نى اخذ اولورسه اوده جمع
موجودانه سارى اولان « هويت مطلقه » در .

[۲] واحد « صفاتنده اصلا مشاركى اوليان احد » ذاتنده هيچ
تركيب بولنميدر .

[۳] اعيان ثابتة، ممكناتك علم الهيهكى حقايقدركه اسماء الهيهكى
حضرت عليه ده كي صورتنندن عبارتدر .

[۴] عوالمك مفردى اولان عالم، واجب الوجودك غيرى اولان